

為聞雷花入牙亦磁石吸鐵之理是故蚌腹生珠石中蘊王者也火候脫胎二事事關天機非年月日時之可印證精神竟鬼之可以契合者也不可以文字而傳在口口心授之妙耳提面命之真今皆明說丹基之要乘道之妙胎嬰之靈而但不說火候者慮天譴也繞一採鉛則百竅俱開採汞則思慮俱泯呼名嬰兒繞一二日後則其中轉動此丹成者如婦人懷妊然火力之後則其靈甚於我矣豈非聖胎手所說嬰兒能於中時時呼之尤易靈也出入聚散變化有無與道合真能事畢矣紫陽百世之下其獨我手得之不傳四海其執手夫金丹之道在乎火藥兩傳乃能形神俱妙性命兩極者也至如執著之者既非師傳又非神授白首無成自取老死惜哉雖然悟之必須修之修之必須證之證之乃成之也始於片餉工夫終於一得求得非思存非漱燕非呼吸非勒縮非存運非按摩非吐納非閉固非持守此蓋自然之道也汝其得之矣苟或不能踐履所得是與未悟者何

異焉大抵神仙之學各有密行非人所知黃或耽迷酒色條然脫仙或有資治生產俄而冲舉顧所行何如耳初不可以其跡而舉凡之蓋其心中大有不然者孰能測之哉

道法會元卷之八十四

十七

道法會元卷之八十五

卷三

先天雷晶隱書

先天一炁論

性命者一炁之本首章言之有天地之性有氣質之性人之一身性命存焉所以性根命蒂分乎先天後天性係生門寄體於心自然之道即先天也命係腎寄體於脾即後天也生門者小孩腦門未合所以由係故育胎一月二月三月寃命元長靈明仙之炁猶秉先天四月寃命元殤尸冥演由之炁後天也人一之炁由父母交感未生時宿東天地之炁在母腹中子腹帶與母臍帶相連母呼亦呼母吸亦吸人生之時剪斷臍帶各自呼吸一呼吸間係乎性根命蒂祖處一寸二分其硬如鐵其軟如綿前對臍後對腎周圍六合六竅上下兩孔以應乾坤是故乾坤生六子有此一念之主萬法矣乃謂先天之母炁上通泥丸下徹湧泉散則八萬四千毫毛筋骨靡所不至吁人自不能尊其炁貴其形實其命愛其神自取死壞離其本真耳丹經云精生

有時時至神至百刻之中切忌昏迷天地之  
 母炁既生則人身之炁以類感類亦自湧泉  
 發生上升丹田默化炁以成人身之造化故  
 曰形者神氣之舍也神者形炁之主形炁非  
 神塊然一物為乎靈神非形炁茫无歸宿焉

乎寄神性命也二者不可偏廢也修性而不  
 修命紫陽所謂精神屬陰宅舍難固未免長  
 用遷移之法修命而不修性釋氏所謂鍊氣  
 精粹壽千萬歲若不明正覺三昧報盡還來  
 散入諸趣所以先儒謂論性不論氣氣不備  
 論氣不論性性不明且傍門末學未修此論  
 所以印令滿匣衝職成行泥於紙筆苦於符  
 章則斗步罡左存右想贅於祝讀妄以音聲  
 借於叱咤以自然一炁之道為率略以觀經  
 之用為精加此與道無緣盲然之學不過一  
 愚士匹夫耳安可以道而責哉嗟夫有此一  
 炁則雷霆晴雨生煞變通由我之一念耳得  
 此豈非百世之幸凡目此為常文輕泄漏慢  
 妄示非人泄天之機不自專責者豈特身墮  
 地獄而禍及七祖則受天之譴者豈虛云哉

其先天天性之炁口傳心受幸毋忽諸

先天之炁

收為胎息用為竅 道法之中最大要  
 諸子緣深宿有因 得之依然自癡笑

心力因

非符非呪非訣

默中喝



我要陰陽二炁出則轟天震地收歸山嶽崩  
 摧散去邪精粉碎

法中之要非專於符非泥於呪以我之炁合  
 彼之炁以我之靈合彼之靈此之謂也天之  
 斗天也非我之斗也地之斗地也非我之斗  
 也然罡乃斗之炁在於尾以天地之斗隨月  
 而轉罡亦如是然我之斗我之罡我之炁在  
 於何也須明我之斗我之罡我之炁無所不  
 驗無所不通也

精液論

腎者引也生金之本性命之根有竅通於舌  
 下常生神水左曰金精右曰玉液若能熬漱  
 下灌丹田丹田既滿流傳骨髓骨髓既滿流  
 傳血脈血脈既滿上朝泥丸返歸於腎如日  
 月循環號一珠此乃歸道水府求玄也

雷府六事

真符

用符不用正相宜不用符時却又非符為信  
 合名為用妙用靈光始是奇  
 虛靖天師云世人錯認墨和朱一點靈光  
 便是符莫問靈不靈莫問驗不驗信筆掃  
 將去莫起絲毫念

真呪

千呪何如一點虛念中無念妙中居登壇號  
 召為行用呪乃名為祝將書  
 三將無過精氣神行行坐坐甚分明試將斗  
 柄輕輕撥談笑風雷頃刻興  
 靜定工夫可坐致雷雨默召雷神  
 真炁  
 祖炁玄關玄最靈得師指授甚分明石中隱

玉身藏寶元精元炁與元神  
乃先天一炁不壞元神即使者斡旋造化  
之道也

眞罡

世人不識此眞罡堅志凝神奮迅彰驅神役  
鬼由他主妙用全憑大法王

眞訣

訣者全憑慧劍施斷除六賊斬三尸驅除邪  
念行符訣決烈行持合聖機  
全在志氣无移勇猛決斷撒手行持

真機

將用元神幾箇知躬行實踐好施為有能道  
得寂中感變化通靈只片時  
全在一炁流通一字機關之發矣

氣候

三光雲氣合真機要識陰陽有盛衰紫白黑  
青為兩兆赤紅風旱莫施為光乾斗電雷施  
令雨師掛榜日邊隨山青草露石礎潤身汗  
神昏體似癡  
坐功內運

入精跌坐一念莫起少時靜中忽動急變存  
為神霄真王存變已定平心寧息萬緣俱寂  
心火炎腎水湧各順其性如此則一身之氣  
氤氳純至萬神森伏一點不動至此則一身  
之氣既已結定然後升降駢駁水火激搏交  
射鬱勃轟然有聲凝結一團金光騰騰直上

却以詞字送入膽宮號上金光一炁于前金  
字詞往異方急以劍訣劈異金光射開地戶  
逆裂中有一神如燄火湧出却以左手雷局  
一照引出自巽度乾以局制住便吸入膽詞  
入壇中書符入符符使如意不過以神合神  
以炁合炁而已

行持訣

鴉呵吽以三箇號頭四箇帝諱九字雲章風  
雨立至汝若有緣堪為濟世

內秘用法

蒸山煮海

先呼心火煮腎水似有似無之間腹中熱惱  
即是煮海已沸次吸腎水入頂蒸山須臾頭  
額冷汗即是蒸山動矣

鞭龍掛斗

每夜鞭龍必望北海海門運斗一座點居使  
者一聲雷送使者下海鞭龍即自己腎海合  
外北海玄奧載大造機要直至龍光電動方  
止如不動似前又鞭須要電光掣到斗口中  
天來日方可登壇不然則無雷

君臣朝謁

祖炁為君五臟是臣肝屬木運動肝上青炁  
成一雷神木生火運心上紅炁成一雷神火  
生土運脾上黃炁成一雷神土生金運肺上  
白炁成一雷神金生水運腎上黑炁成一雷  
神五雷圍繞丹田存使者自丹田歷於玄竅  
而出統領五雷烈烈轟轟破頂而出與空中  
雷神混合為一

母子交媾

火為木之子心屬之水為木之母腎屬之凡  
運用須先吸起腎水上升泥丸自仙橋而下  
引華池神水洒落心火次呼心火下降與腎  
水俱入祖宮交媾結成嬰兒上朝帝境凡所  
行持須是升降方可如上運用不過恍惚而

已不可執於有為不可迷於存想息往息來強之則急縱之則失如此行持萬無一失

祈雨訣法

建壇召將發微立限某日時報應臨限登壇召雷焚符撒催併次入室室端中大坐握固平定身心調息聚炁欽念凝神覺炁身充塞天地兩腎中一炁氤氳而起地炁上騰天炁下降盤結如雲霧閉塞宇宙持身中汗出口中津滿却以執音提起作鈴聲念一秤金如前法擊搏如雷聲運動霹靂喧轟駭駭而出想風雲慶會彌滿六合雷雨大作如未臨限及臨限未應必須再作要報應方止俟風生雲合雷動雨降徐徐出入壇號召焚符下令如意行持所謂踏翻斗柄天昏黑倒瀉黃河水逆流

大造機要

運尾闕下九節衝起九道黑炁上來脊至泥丸盤達八十一次運得頂門如火熱却引下華池引液入玄關之中即閉息片餉存黑炁包裹一點真明至精想一身皆陰黑炁充滿

就運黑炁混合五行之炁皆為黑雲內有風雷鼓舞五臟皆為黑炁自腎宮衝上心宮與心亦炁交始如日月交激之狀恍然成一黑砲墜下激起海水濤波洶湧雷電交轟驚起海中千龍萬虬五行正炁化為五雷鞭役海中諸龍來黑炁為雲從雙關升泥丸宮出存諸雷神龍雨部眾鼓舞風霆黑炁為雲充滿天地彌滿六合雷電交作霖雨如傾即出祖炁金光照耀三界光中恍有大師怒容仗劍在圓光中號令策役雷神行風布雲轟雷降雨使者為首承令統領諸司內外九宮二垣雷官交擊四面黑雲蔚鬱風雲雷電擁從主帥行雲降雨此訣須要定心運用得真覺自身如水冷即陰升陽降黑炁混充塞天地如此既了然後下座催告師帥立俟報應

又法

萬法千門功歸一揆要知天地之機關不離乎人之所為叱咤風雨鹹杜妖魔用無不應乃神將之為我我之為神將終身行之何必他求所謂天發殺機移星易宿地發殺機龍

蛇起陸人發殺機天地反覆是雷霆之要道也若不幹運陰陽轉天樞跡地機不知玄關之要則所運非行用之根帶也輕空則有風無雨熱無燥則無風有雨氣奔喘而急則有雷心驚憚而耳鳴則霹靂殺伐凡動雷之法須要道中玄妙陰陽相生五行相剋而為雷運至中宮刻應聚會混成一炁却以號字提起因字放出口為風兩耳為雷鼻為雲目為雷交轟打入符中駢駢二字作聲入符霹靂震動風雷大作其於然伐則役天上之星運身中之殺炁算人間之虎射雷雲之震發矣臨上壇未能應口但凝神駢駢作卷湧至古端嚼教百雜碎望空嘆去五事至矣仍以金書金字擊往異方則號令相應至秘至玄萬全不度得者珍之切宜暇日勤而行之久

團聚風雲掩閉陽光

以淨水一盆置於壇上用筆蘸濃墨於水中先書太陽三諱次書太陰三諱蓋次天罡衝照牌料仍叱咤雷神轄起雷吏及川源潭洞

溪谷龍雷衝乾破巽撞陽激陰隨意祝用且  
要閉已日月運華池水洒落心火但用澄心  
定意如此決應

蔽日

書符一道對太陽焚之嘆去存太陽中有三  
使者立其中塞離成乾展兩翅蔽日充塞天  
地

蔽月

書符一道對太陽焚之嘆去存月中有三使  
者立其中塞坎成乾展兩翅飛雲擁霧

止風

書符向風來方焚之以水嘆去存風雷有此  
三使者立其中塞巽成乾截斷風路靜念收  
之

回風

書符且如南方風來向南焚符以水嘆去存  
使者立南三卦中立塞巽成乾回身向北以  
眼光書坤號坤塞北金光洞煥高聲喝使者  
張珙回風使者見號自南而北風亦從此轉  
矣

動掌心雷

靜默調息至耳不聞呼吸之聲一炁順逆默  
念天母心呪各一徧捨聲過炁念一秤金九  
徧左局當曾一拍以號字提起回字取出於  
左手心右手劍訣虛書捨字押發使者見字  
肝駁一聲却念奉

唵嘛哩嚩吽娑訶救使者速發聲以右手急  
擦掌心號念運雷呪三十六徧削號入震宮  
就取金炁衝動又念逆順心呪各二徧一秤  
金一十五徧提起號字取出謂字於掌心虛

書鎖字押發使者見字肝駁一聲却念奉  
雷祖大帝律令救使者速發聲以右手局擦  
掌心號念運雷呪四十九徧削號入震宮仍  
取炁悉剋發必震動又念順逆心呪各三徧  
一炁章二十一遍提起千斤索放開玉鎖匙

右劍於掌心虛書天元九鬼押發使者見字  
肝駁一聲却念奉

玉皇上帝律令救尖嘴速發聲若不聲罵  
汝公祖合顯頌昌意統統○下一字口受

赤鴉呪

赤鴉赤鴉風火之車雷中烏鬼雲外夜叉受  
命赫冲稟性丹霞吾今召汝呼風啞啞啞  
啞啞啞啞啞啞啞啞啞啞啞啞啞啞啞啞啞  
應一如子華奉  
大師汪真君律令

號以天目舌尖同劍訣虛書此號布壇再用  
法母註公次以右手掌心急擦左掌心號怒  
悉念運雷呪八十一遍削號入震次以肝肺  
二炁合發大怒大震無不震懾至此必須急  
用四字秘諱照之否則壇上人不致企立

此之一法至秘至玄世所罕見若非金公  
得傳神仙之真則後必泯絕豈能致是我  
然金公至喻之時以青天風雲掌心雷雨  
為相見之儀自此廣傳弟子然人皆但得  
一千銅錢之法此秘並未付他人止與吾  
師無為長老同氣故盤桓於山間日久遂  
盡得其不傳之秘今霜天假因緣得其家  
受祝之再三幸勿輕泄今切恐其久而忘  
失又慮後學無傳故筆之於書備載口授  
心傳之玄而附于內秘之末以授弟子以

續遺派宜珍襲之幸勿自以尋常之法秘之秘之輕泄漏慢宜持身墮地獄而禍及七祖翁則天之譴者必然也鐵心道人白

天母默朝急告

凡柱雷祈禱殺伐穰星避難釋冤憎救死亡無施不可務在專心致意依法奏告有求必應蓋

天母慈願救苦護生凡行持入靜室焚香凝神欵念專精依式親書心章一道不令人見書畢安置壇上供養入夕二更時分層臺壘北斗上層列燈香水下層水一盆法師三淨持心呪燃上層斗燈存空中金光一團燦然在斗口即存光中有一天宮瑤光玉書之扁曰一炷梵天宮宮內有天主在焉外有一宮扁曰璇極應靈宮在梵天宮之左宮內復有九宮中則尊帝二星居之九宮九皇所居各有官曹出立門下金光朗煥如此分明即對梵天宮札念聖號

天母聖號

志心朝禮一炷梵天三光聖母駕遊日月二

宮前救賜雷靈大法主威光赫奕妙相圓明接引群生超離諸苦大悲大願大聖大慈北陰乾元聖母日月登明慶華紫光聖德天后救苦護生摩利支天大聖

如上禮念不計過數存對聖駕儼然威光

烜赫火焰飛騰致敬啓云

恭惟大聖大慈超生死事不干之地至靈至聖乃鬼神竊不破之機稱贊無窮皈依莫盡惟願神通加護力千災萬罪悉消除有求隨感度群生早契真常明本性臣僭在聖君自知多矣下情上達敢進誓言急告心章謹當化素

以章於香爐中焚點名使者存使者自天母前飛下至祝所齋章奏存使者接章上天母前投進使者拱立聽候旨兆而奏祝

云

寶章化奏意已盡於再三璇極垂光顏不達於咫尺即當面奏許俟感通

師起身投水符步斗罡三台坐中台上結跏趺坐兩手相叉指玉文舌柱上脛攪華

池水滿咽下丹田五氣圍繞玉室靈光轉旋不已結作嬰兒居中形體具足存身在青黃紅三色雲內震動八門衝破泥丸而出珠懸於頂嬰兒自珠口中出乘金光一道為雲直至梵天宮門下使者見兆至出

迎引兆直至天母前心三拜長跪奏云

以凡愚勿行大法蒙師口授凡有祈禱謹遵元章拜進心章急告宸慈希求報應臣今據迷心幸意除已飛章上奏外臣今躬詣道前口奏前因祈願恩命差降法中使者張珏副帥張雲張亞統領雷霆一府二院三司官將五方雷部威神一合下赴行壇祈雨即便蒸山煮海捲水鞭龍定限某日某時押起九州分野之內山川潭洞一切雨壇社令會合天神龍水社五部雷神掣電轟雷與雲吐霧大施甘雨以濟焦枯祈晴即便停止風雨掃除陰翳開大宇之浮雲現一輪之紅日祈雪即便交結六陰運行元炁揚花散瑞剪玉飛瓊滅六種之蝗胎豐五明之穀粟下臨生品上佐朝綱云即便昭明天律召降雷霆定

限某日某時押起五方社令響雷當境城隍  
十廟英烈神祇里城王者嚴行號令明正典  
刑震霹靂之飛章敲兇頑之魔黨寔感滅英  
太乙收寇掃蕩鬼營恢彰道化上明  
天信下救生靈坐運凡遇祈禱災穰役召萬

拜如意感格廢使大道闡揚威風振厲祈禱  
即便會合斗府上藥靈官功曹騎吏只今徑  
下患身安鎮寇神蕩除邪氣升降水火保固

元陽務令諸證頓消截日平復庶使真風廣布  
大道興行常告即便會合斗府解厄靈官功

曹騎吏特與解除萬禍保合太和慧災害以  
無侵俾官非而消殄四時迪吉五福攸同干  
冒宸威臣下情無任激切屏營之至謹奏

次存見天母又將所奏心章詳視却於心  
章誓符上書一允字敕付使者報應施行

師即拜謝畢從元路出存見使者領諸雷  
神自後隨我來聽命元神立於珠口中入  
自頂門降落丹田復歸偃月爐促九脉之  
炁然後下座如稟告則於存天母詳章允  
章所奏時念心呪七徧內占內外動靜吉

凶然後禮謝仍詣應靈官認本命斗官却  
亦依前式口奏祈恩施行至如急告等事  
只告天母足矣蓋天母乃北斗之母母行  
子安有不允從者也事畢即叩頭禮謝再  
三然後宣召使者祈禱則行符撒役發報  
應稟告則行符水役發治病此法未有不  
應者至簡而捷惟在至誠報應可必非如  
他法之錯綜難行者之可比也

○道法會元卷之八十五

道法會元卷之八十六

先天雷晶隱書

廣四

祈禱行持

伏以大道難名孰起方隅之限真元純若本  
無清濁之分今將契妙理於先天必合斂神  
機於萬有庶使邪魔東首道炁長存少彰一  
動一靜之闢用假五炁五行之水至大无外  
何妖不摧謹請日華流晶月液淨光羅刹功  
曹通真使者靈寶符命神吏九鳳破穢仙官  
解穢局中一行官將各各運玄初之水軸起  
天外之息波助我行持蕩除魔穢甜水也德  
冠五行功滋萬物為九天之雨露作四海之  
波濤聖人出而黃河清王道平而泉源湧過  
洒法壇內外掃除魔穢清明一滴纔沾十方  
俱索真科有呪護用宣揚

衆諫淨口呪淨身呪法師默呪云

道祖一炁大梵飛騰清華景明與道合真急  
念如

元始上帝律令

呼中宮祖炁衝天門却諫淨天地呪至中